



DET KONGELEGE BARNE- OG FAMILIEDEPARTEMENT

Statsråden

Ifølgje liste

Dykkar ref

Vår ref
22/1609-

Dato
23. mai 2022

Kyrkjebygg og auka utgifter til straum

Eg har som statsråd i Barne- og familiedepartementet ansvar for trus- og livssynspolitikken, som er ramma inn av trussamfunnslova Stortinget vedtok i 2020. Eit eige kapittel i lova (kap. 3) gjeld Den norske kyrkja. Her finn ein føresegna (§ 14) om ansvaret kommunane har for finansiering av den lokale kyrkja, det vil seie sokna og det kyrkjelege fellesrådet. Dette ansvaret går langt tilbake i tid og er eit ansvar kommunane er vel kjende med og tek på alvor. Som ein samrøystes familie- og kulturkomite i Stortinget uttalte ved handsaminga av trussamfunnslova: "...kommunenenes finansieringsansvar har bidratt til et nært samarbeid mellom kommune og kirke, og at dette har representert en verdi ikke bare for kirken, men også for det norske samfunnet", sjå [Innst. 208 L \(2019-2020\)](#).

Departementet gjorde i [desember 2020](#) greie for at trussamfunnslova vidarefører finansieringsplikta slik ho var under den tidlegare kyrkelova. Nivået på det kommunale tilskotet til Den norske kyrkja lokalt, blir fastsett i ein lokaldemokratisk prosess og i eit samspel mellom kyrkja lokalt og kommunen.

Det er om lag 1630 kyrkjebygg i Noreg og det er der mykje av den kyrkjelege aktiviteten skjer. I tillegg til regelmessige gudstenester og markering av livsfasar som konfirmasjon, bryllaup og gravferder, er det eit variert og mangfaldig tilbod til menneske i alle aldrar i kyrkjene. Då kyrkjene fleire stader måtte stenge eller redusere aktiviteten under pandemien, blei det ekstra tydeleg for mange kor viktig det kyrkjelege tilbodet og kyrkja som samlingspunkt er.

No er det nye og andre utfordringar kyrkja lokalt står ovanfor. Straumprisane har i deler av landet auka betydeleg. Frå kyrkjelege organisasjonar høyrer eg om bekymring i sokn og fellesråd for at høge utgifter til straum vil gå ut over aktivitetsnivået i sokna og drifta av